

КЫЙСЬЫСЬ ЗОН *

(ПАРМАЗОН)

Парма-вöрын олö зон,
Кыйö ур да сьöла.
Аслас дiнас увтчö пон,
Ылöдз кылö йöла.

Роща-пармаö оз вош, -
Тöдса нин став пуыс.
Мукöд онас шедлö ош,
Шоныд сылөн куыс.

Арын шедö уна зэв
Зверь да быдса пöтка.
Зонлы гажтöм эз на вöв, -
Мыйла гажтöм пöткö ?

Ордым кузя мича ныв
Зон дiнö волывлö.
Нылыд уна сьыланкыв
Пармазонкöд сьывлö.

* Медводдзаысь печатайтöма 1927 воын.

Ордым. - 1927. - № 7. - С. 35.